

Cartulaire de l'Abbaye de Redon en Bretagne: [832–1124], Nr. 235

In nomine sanctae et individuae Trinitatis, Alan, provinciae Uarroduae comes, gratiae Dei, notum sit omnibus audientibus longe lateque manentibus, tam nobilibus quam ignobilibus, quod ego, Alan, castigatus flagello divino, decurri in magna egritudine, sed tamen liberatus auxilio divino, quod olim Lodouicus imperator dederat Sancto Salvatore in manu venerabilis Conuuoioni abbatis, cum precepto signans eum anullo suo, et obtinuit suis innotescere fecit; postea vero cupiditate aliorum principum ablata est a Sancto Salvatore et suis monachis usque in nostrum tempus; ego vero, Alan, auxiliante Domino, conuualui de illa infirmitate. Propterea ego, Alan, tradidi Sancto Salvatore et suis monachis in Rotonon monasterio habitantibus illam plebiculam quae appellatur nomine Ardon Rouuis, et est sita in provincia Uarrochiaie iuxta mare, ita trado atque transfundo; totam atque integram, cum massis et manentibus, mobilibus et immobilibus, cum omnibus appendiciis suis sicut adiacet; pro regno Dei et pro incolomitate mea et prosperitate regni mei, usque ad consummationem seculi; sine censu et sine tributo alicui homini sub caelo nisi Sancto Salvatore et suis monachis. Factum est hoc in plebe quae vocatur Alair, iuxta aecclesiam plebis, .II. idus iun., feria .V., luna .VIII., anno Domini .DCCC.LXXVIII., indicatione .XI., anno primo regnante Hlodouico rege, anno .IIo. principante Alan provinciam Uarrochiaie, Kenmunoc episcopus civitate Venedie, Liberius abbas rotonensi monasterii. Hi sunt testes qui audierunt et viderunt hanc donationem: Alan, princeps, qui hanc donationem donavit et firmare fecit, testis; Armengarius, episcopus provinciae namneticae, qui ibi aderat et eum sacro oleo uxionis illo die uxit, testis; Arthur, testis; Catuotal, testis; Dignum, testis; Ristanet, testis; Cunglas, testis; Ratuili, testis; Arvidoe, testis; Torithgen, testis; Rituualart, testis; Comaltcar, testis; Iarlios, testis; Uuoretin, testis; Uuetencor, testis; Uuetencar, testis; Kincrit, testis; Uuiumilis, testis; Aermitit, testis; Tethion, testis; Iarnhitin, testis; Ritien, testis; Uurluuuet, testis; Tanethirt, testis; Riualt, testis; Iustin, testis; Perinis, testis; Haervi, testis, filius Alan. Pax sit legentibus, sanitas animae et corporis custodientibus: amen, fiat.